



Selasa, 11 Juli 2023

Ogen: Kejadin 6:1-2



JELMA REH TEREMNA



Lit sada ilustrasi gambar alu judul 'the last tree' si ncidahkan asa mata natap sada batang kayu nari ngenca si lit pajek turah. Sidebanna bangunen si luar biasa padatna. Adi idaerah perkotan e jadi i perkutan pe menam taneh persilen kerina she maka ku kerangen pe iasak. Bagin rubia-rubia pe enggo si jajah seh maka kera pe enggo reh ku kuta sabab lanai teneng geluhna ibahan manusia. Bage me kecibal doni enda genduari apai ka paksa-paksa sireh enggo buen rumah ingan tading apai ka sekalak jelma lit si dua ntah telu rumahna.

Pustaka si badia sijadi renungenta paksa enda, nuriken ipas paksa sinai pe lit paksa jelma reh teremna. Reh tambahna jelmana, tambah komplek perbebenna, adi ibas jaman sope Nuh enda nuriken kejahatann anak-anak Dibata ngidah anak-anak diberu emaka tambah belin ras bue kejahatann si jadi sierbahan nembah ate Dibata. Pertambahen jelma enda nuriken kerna perbandingan sope sie ras kencana, bagi sijadi ibas jamanta genduari ibandingkan ras 20 ntah 30 tahun si lepas. Mbelin kal perbedanna, la saja jelmana tapi pe rikut ras bangunen, mobil emaka kujapa macat, tambah pe ibahan dalam, ntah jalan tol ras layang lalap la urak kemacetan ndai.

Perenungenta enda mabai kita ku bas perenungen 'wari populasi sedoni', peringeten tep-tep tahun enda mabai kita alu sadar kerna belinna pertambahen singiani doni enda. Ibenaken tahun 1987 ija paksa e penduduk doni enda enggo seh lima milyar janah PBB mperediksi ibas tahun 2057 seh me angka 10 milyar. Ibandingenken tahun 8000 SM teremna 5 juta kalak saja. Ulihna mahan perubahan iklim ras lingkungan si lanai sehat, la ngasup ncukupi keperluan manusia. Secara sosial reh belinna tingkat kekerasan, diskriminasi ras Sebagian mansuia nggeluh la sejahtera. Kinata enda jadi perbebenta radu ras.